



樂城集卷第一

詩五十三首

郭綸綸本河面弓箭手屢戰有功不賞自黎州都監官滿貧不能歸權加州監稅

郭綸本蕃種騎鬪雄西戎流落初無罪因循遂龍鍾  
嘉州已經歲見我涕無窮自言將家子少小學彎弓  
長遇西鄙亂走馬救邊烽手挑丈八矛所往如投空  
平生事苦戰數與大寇逢昔在定川寨賊來如群蜂  
萬騎擁酋帥自謂白相公揮兵取其元模糊腥血紅  
戰勝士氣振越敵如旋風蚩蚩羶裘將不信勇且忠  
遙語相勸誘一矢摧厥會短兵接死地日落沙塵蒙

馳歸不敢息馬口銜折鋒誰知入尺軀脫命禹死中  
忽聞南蠻叛羽檄行忽忽將兵赴危難瘴霧不辭衝  
行經賀州城寂寞無人蹤攀堞莽不見入據爲築甯  
一旦賊兵下百計燒且攻三月不能陷救至遂得通  
崎嶇有成績元帥多異同有功不見賞憔悴落巴賈  
已矣誰復信言之氣恂恂予不識郭綸問此爲欽容  
一夫何足言竊恐悲群雄此非介子推安肯不計功  
郭綸未嘗敗用之可前鋒

初發嘉州

放舟沫江濱往意念荆楚擊鼓樹兩旗勢如遠征戍

紛紛上船人擗急不容語余生雖江陽未省至嘉樹  
巉巖九頂峯可愛不可住飛舟過山足佛脚見江滸  
舟人盡欽容競欲揖其拇俄頃已不見焉午在中渚  
移舟近山陰壁峭上無路云有古郭生璞此地苦箋  
注區區辨蟲魚爾雅細分縷洗硯去殘墨遍水如黑  
霧至今江上魚頂有遺墨處覽物悲古人嗟此空自  
苦余今方南行朝夕事鳴榔至楚不復甯上馬千里  
去誰能居深山永與禽獸伍此事誰是非行行重回  
顧

過宜賓見夷中亂山

江流日益深民語漸已變岸闊山盡平連峯遠非淺  
慘慘瘴氣青薄薄寒日煖峯巒苦崖石草木條幹短  
遙想彼居人狀類麕鹿竄何時遂平定戍卒從此返

夜泊牛口

行過石壁盡夜泊牛口渚野老三四家寒燈照踈樹  
見我各無言倚石但箕踞水寒雙脰長壞袴不蔽股  
日莫江上歸潛魚遠難捕稻飯不滿盂飢卧冷徹曙  
安知城市歡守此田野趣祗應長凍飢寒暑不能苦

戎州

江水通三峽城州控百蠻沙昏行旅倦邊靜禁軍閑

漢虜更成市羅紈斬不還投醴揀精密換馬瘦孱顏  
兀兀頭垂髻團團耳帶鐙夷聲不可會爭利苦間關

舟中聽琴

江流浩浩羣動息琴聲琅琅中夜鳴水深天闊音響  
遠仰視斗牛皆從橫昔有至人愛奇曲學之三歲終  
無成一朝隨師過滄海番置絕島不復迎終年見怪  
心自感海水震掉魚龍驚翻回蕩滴有遺韻琴意忽  
忽從此生師來迎笑向所得撫手無言心已明世人  
囂囂好絲竹撞鍾擊鼓浪謂榮安知江琴韻超絕擺  
耳大笑不肯聽

泊南井口期任遵聖

期君荒江濱未至望已極朔風吹烏裘隱隱沙上立  
愧余後期至先到犯寒色既泊問所如歸去已無及  
繫舟重相邀雨冷塗路濕

江上早起

晨興孤舟上盥濯夜氣清整巾未皇坐雙橈軋已鳴  
日出江霧散江上山從橫區區茅舍翁曉出露氣腥  
收筒得大鯉愛惜不忍烹持之易斗粟朝飢厭魚羹  
蕭蕭遠風起泛泛野鴈驚忽過百餘里山水互變更  
蓬舟問所如彼此不知名超超江湖間殊勝地上行

旦游市井喧莫宿無人聲江上誠足樂無怪陶朱生

江上看山

朝看江上枯崖山憔悴荒榛赤如赭莫行百里一回  
頭落日孤雲靄新畫前山更遠色更深誰知可愛信  
如今唯有巫山最穠秀依然不負遠來心

山胡

山胡擁蒼毳兩耳白茸茸野樹啼終日黔山深幾重  
啄溪探細石噪虎卜孤峯被執應多恨筠籠僅不容

白鷗

白鷗形似鴿搖曳尾能長寂寞懷溪水低回愛稻梁

田家比雞鷺野食蕉杯觴肯信朱門裏徘徊占玉塘

屈原塔在忠州

屈原遺宅秭歸山南賓古者巴子國山中遺塔知幾年過者遲疑不能識浮圖高絕誰所為原死豈復待汝力臨江慷慨心自明南訪重華訟孤直世人不知徒悲傷強為築土高岌岌

嚴顏碑亦在忠州

古碑殘缺不可讀遠人愛惜未忍磨相傳昔者嚴太守刻石千歲字已訛嚴顏平生吾不記獨憶城破節最高被擒不辱古亦有吾愛善折張飛豪軍中生死

何足怪乘勝使氣可若何斫頭徐死子無怒我豈畏死如兒匹曹夫受戮或不避所重壯氣吞黃河臨危閑暇有如此覽碑慷慨思橫戈

竹枝歌忠州作

舟行千里不至楚忽聞竹枝皆楚語楚言啁哳安可分江中明月多風露扁舟日落駐平沙茅屋竹籬三四家連春並汲各無語齊唱竹枝如有嗟可憐楚人足悲訴歲樂年豐爾何苦釣魚長江江水深耕田種麥畏狼虎俚人風俗非中原處子不嫁如等閑雙鬟垂頂髮已白負水採薪長若艱上山採薪多荆棘負

水入溪波浪黑天寒斫木手如龜水重還家足無力  
山深瘴暖露乾夜長無衣猶苦寒平生有似糜與  
鹿一旦白髮已百年江上乘舟何處客列肆喧譁占  
平磧遠來忽去不記州罷市歸船不相識去家千里  
未能歸忽聽長歌皆慘悽空船獨宿無與語月滿長  
江歸路迷路迷鄉思渺何極長怨歌聲苦淒急不知  
歌者樂與悲遠客乍聞皆掩泣

望夫臺

在忠州數十里

江上孤峯石爲骨望夫不來空獨立去時江水拍山  
流去後江移水成磧江移岸改安可知獨與高山化

爲石山高身在心不移慰爾行人遠行役

八陣磧

在魏安州

漲江吹八陣江落陣如故我來苦寒後平沙如匹素  
乘高望遺迹磊磊六十四遙指如布棊就視不知處  
世稱諸葛公用衆有法度區區落褻斜軍旅無闊步  
中原竟不到置陣袂無所茫茫平沙中積石排隊伍  
獨使後世人知我非莽鹵柰何長蛇形千古竟不悟  
惟餘桓元子久視不能去

灩澦堆

或云上  
有古碑

江中石屏灩澦堆  
靈夏禹不能摧深根百丈無敢

近落日紛紛鳧鴈來何人磊落不畏死爲我赤脚登  
崔嵬上有古碑刻竒篆當使盡讀磨蒼苔此碑若見  
必有怪恐至絕頂遭風雷

入峽

舟行瞿唐口兩耳風鳴號渺然長江水千里投一瓢  
峽門石爲戶鬱怒水力驕扁舟落中流浩如一葉飄  
呼吸信奔浪不復由長篙楫柁破潰旋畏與亂石遭  
兩山感相值望之不容舫漸近乃可入白鹽最雄高  
草木皆倒生哀叫悲玄猿白雲繚長袖零落如飛毛  
緬懷泮水年慘蹙病有堯禹益决岷水屢與山鬼麤

摧岡轉大石破地疏洪濤巉巉當道山斬截肩尾銷  
峭壁下無趾連峯斷脩腰磽處不生草上不掛鳥巢  
水怪不畫戮下有龍與鼇遼哉千萬年禹死遺迹牢  
豈必見河洛開峽斯已勞

巫山廟

山中廟堂古神女楚巫婆娑奏歌舞空山日落悲風  
吹舉手睢盱道神語神仙潔清非世人瓦盞傾醪薦  
麋脯子知神若竟何自西方真人古王母飄然乘風  
遊九州揭渡西海薄中土白雲爲車駕蒼虬驂乘湘  
君宓妃御天孫織綃素非素衣裳颺颺薄煙霧泊然



冲虚眇無營朝飡屑玉嚙瓊乳下視人世安可據超  
江乘山去無所巫山之下江流清偶然愛之不能去  
湍崖激作相喧脰白花翻翻正怒堯使大禹導九  
州石隕山墜幾拆股山前恐懼久無措稽首山下苦  
求助丹書玉笈世莫窺指示文字相爾汝擘山洩江  
幸無苦庚辰虞余實相禹功成事定世莫知空山俄  
頃千萬古廟中擊鼓吹長簫採蘭爲殮薰爲肴玉缶  
薦艾香飄蕭龍勺取酒注白茅神來享之風飄飄荒  
山長江何所有豈有瓊玉薦沈寥神君聰明無我責  
爲我驅獸攘龍蛟乘船入楚沂巴蜀瀆旋深惡秋水

高歸來無恙無以報山上麥熟可作醪神君尊貴豈  
待我再拜長跪神所勞

巫山廟鳥

巫廟真人古列仙高心獨愛玉爐煙飢鳥巧會行人  
意來去紛紛噪客船

君昭村

峽如王媪纒屈須入宮曾不愧秦姝一朝遠逐呼韓  
去遙憶江頭捕鯉魚江上大魚安敢釣轉拖橫江筋  
力小深造積雪厚埋牛兩處辛勤何處好去家離俗  
慕榮華富貴終身獨可嗟不及故鄉山上女夜從東

舍嫁西家

三遊洞

洞前危逕不容足洞中明曠坐百人蒼崖磳几起成  
柱亂石散列如驚磨清溪百丈下無路水滿沙上如  
魚鱗夜深明月出山頂下照洞口纔及脣沉沉深黑  
若大屋野老構火青如燐平明欲出迷上下洞氣飄  
亂爲橫雲深山大澤亦有是野鳥鳴噪孤熊三蹲人  
一去無復見至今冠蓋長滿門

寄題清溪寺

在破州鬼谷子故居

清溪鬼谷子雄辨傾六國視世無足言自閉長默默

蘇張何爲者欲竊長短術學成果無賴遂爲世所惑  
顛倒賣諸侯傾轉莫可執後世何不明疑我不汝及  
誰知居深山玩世可終日君觀二弟子死處竟莫得  
客齊自披裂投魏求寄食悠悠清溪中石亂流水急  
溪魚爲朝餐若死得安穴居亂獨無言其辯吾不測

息壤

在荆南南門外

江上寒沙薄如席一夕墳起成高丘江流傾轉力不  
勝左齧右吐非自由南郡城南猶何者平地生長殊  
不休當中屋背不盈尺深入百丈皆石樓古人不知  
下有帷發破不掩水漲浮傳言夏鯀塞泮水上帝愛

此無敢偷竊持大畚負長鑄刺取不已帝使流禹知  
水怒非塞止網捕百恠雜蜃鮒掘壕入土不計丈投  
擲填壓聲鳴啾一時既定憂後世恐此竊出壞九州  
神人已死無復制故以此土封其頭發之輒滿不可  
旣意使靈物長幽囚前年大旱千里赤取土盈掬雨  
不收誰言咫尺舊黃壤中有千歲龍與虬高山萬仞  
猶可削嗟此何獨生如疢天長地遠莽無極雖有缺  
壤誰能調我疑天意固有在患世多事窮鑄鏤埏陶  
鼓鑄地力困久不自補無爲憂世無女媧空白石磊  
磊滿地如浮漚耕田鑿井自無已息壤無幾安能酬

荆門惠泉

泉源何從來山下長溪發油然本無榮誰使自激冽  
茫茫九地底大水浮一葉使水皆爲泉地已不勝洩  
應是衆水中獨不容至潔涓涓自傾瀉奕奕見清澈  
石泓淨無塵中有三尺雪下爲百丈溪冷不受魚鼈  
脫衣浣巾流解我雙足熱樂哉泉上翁大旱不知渴

荅荆門張都官

維見和惠泉

荒涼荆門西泉水誰爲洩發源雖甚傲來意不可可  
平鋪清池滿皎皎自明澈甘涼最宜茶羊炙可用雪  
炎風五月交中夜吐明月太守燕已還青嶂空嶂嶂

泉上白髮翁來飲杯饌關酌水自獻酬箕踞無禮節  
區區游泉人常阻午日烈回首憂重城賞玩安能徹

荆陽早發

春氣入楚澤原上草猶枯比風吹栗林梅蕊颯已無  
我行亦何事驅馬無疾徐楚人信稀少田畝任蓁蕪  
空有道路人擾擾不畱車悲傷彼何懶歎息此亦愚  
今我何爲爾豈亦愚者徒行行楚山曉霜露滿陂湖

襄陽古樂府二首

野鷹來

野鷹來雄雉走蒼茫荒榛下毳毳大如斗鷹來蕭蕭

風雨寒壯士臺中一揮肘臺高百尺臨平川山中放  
火秋草乾雉肥兔飽走不去野鷹飛下風蕭然嗟峨  
呼鷹臺人去臺已圯高臺不可見况復呼鷹子長歌  
野鷹來當年落誰耳父生已不武子立又不強北兵  
果南下擾擾如驅羊鷹來野雉何暇走束縛籠中安  
得翔可憐野雉亦有爪兩手控鷹猶可傷

襄陽樂

誰言襄陽苦歌者樂襄陽太守劉公子千年未可忘  
劉公一去歲時改惟有州南漢水長漢水南流峴山  
碧種稻耕田泥没尺里人種麥滿高原長使越人耕

大澤澤中多水原上乾越人爲種楚人食火耕水耨  
古常然漢水魚多去滿船長有行人知此樂來買槎  
頭縮頸鱖

雙鳧觀 在葉縣

王喬西飛朝洛陽飄飄千里雙鳧翔鳧飛遭網不能  
去惟有空履鳧已亡誰知野鳥不能化豈必雙履能  
飛揚鳧神履恠當有在搔首野廟春風長

懷崑池寄子瞻兄

相攜話別鄭原上共道長途怕雪泥歸騎還尋大梁  
陌行人已渡古嶠西曾爲縣吏民知否轍官爲此縣簿未赴而中

弟舊宿僧房壁共題轍昔與子瞻應奉過宿縣中寺舍題其老僧奉閑之壁想獨遊佳味少無言騅馬但鳴嘶

辛丑除日寄子瞻

一歲不復居一日安足惜人心畏增年對酒語終夕  
夜長書室幽燈燭明照席盤殮雜梁楚羊炙錯魚腊  
庖人饌雞兔家味宛如昔有懷岐山下展轉不能釋  
念同去閭里此節三已失初來寄荆渚魚鴈賤宜客  
楚人重歲時爆竹鳴磔磔新春始涉五田凍未生麥  
相携歷唐許花柳漸牙拆居梁不耐貧投杞避糠覈  
城南庠齋靜終歲守墳籍酒酸未嘗飲牛美每共炙

謂言從明年此會可縣射同爲洛中吏相去不盈尺  
濁醪幸分季新筍可餉伯嘖嘖嵩山羨漾漾洛水碧  
宮閑得相從春野玩朝日安知書閣下羣子並遭誠  
偶成一朝榮遂使千里隔何年相會歡逢節勿輕擲

次韻子瞻減降諸縣囚徒事畢登覽

山川足清曠闌闌巧拘囚安得媿阿御同爲穆滿遊  
遙知因渙汗遠出散幽憂原隰繁分繡村墟盡小侯  
春深秦樹綠野闊渭河流四顧神蕭瑟前探意漲浮  
勝觀殊未已往足詎能收下坂如浮舸登崖劇上樓  
強行腰偃僂困坐氣嘘咻鳥語林巒靜花明澗谷幽

濯溪驚野老伐路駭宅州中散探深去文淵到處晉  
聽岑峯下寺弄石水中洲溪冷泉冰脚山高霧澆頭  
石潭清照骨濕水濺成鈎仙廟鳴鍾磬神官秉戟劉  
養生聞帝女服氣絕彭讎故宅猶傳尹先師不喜丘  
居人那識道過客謾停騶巖谷誠深絕神仙信有不  
雲居無几杖霞珮棄鐮鏹豹隱連山霧龍潛百尺湫  
門關誰與叩桃熟浪傳偷緝髮清無比方瞳凜不眸  
會頌林下見乞取壽年脩拔去和雞犬相隨若旒旒  
乘風遺駿褭長嘯賤笙篴從騎衣皆羽前驅鬣盡蚪  
安能牽兩足蹙得快雙眸自昔辭鄉樹南行上楚舟

萬江窮地脉三峽束天溝雲暗鄴都晚波吹木樨秋  
尋溪綠窈窕入洞聽颼颼空寺收黃粟荒祠畫伏彪  
登臨雖末日行邁肯停輶留縮今何事攀躋昔已悠  
魏京饒士女春服聚蜉蝣雷動車爭陌花榭樹繫鞦  
遊人紛蕩漾野鳥自嚶啾平日曾經洛閑居願卜緜  
空言真比夢久渴漸成愁早退嘗相約辭囂痛白樓  
愛山心去劫從宦興油油海宇都無礙山林盡可投  
願爲雲上鵠莫作盎中儵邊性行隨足謀生富給喉  
今遊雖不與後會豈無田畫出同穿履宵眠共覆裘  
弟兄真欲爾明好定誰儔試寫長篇調何人肯見酬

次韻子瞻太白山下早行題崇壽院

山下晨光晚林梢露滴昇峯頭斜見月野市早明燈  
樹暗猶藏鵲堂開已饌僧據鞍應夢我聯騎昔嘗曾  
次韻子瞻延生觀後山上小堂

謝公遊意未能厭踏盡登山屐齒尖古殿神仙深杳  
杳香爐煙翠起纖纖巖花寂歷飄瓊片庭檜蕭疎漏  
玉蟾帝子莫歸人不見微風細雨自開簾唐王真公  
主修道於

次韻子瞻題仙遊潭中興寺

潭邊沙水不成泥潭上孤禽掛嶮啼繚繞飛橋能試

客蒙茸翠蔓巧藏溪雲為絳帳馬融室合作并風玉  
女閨仙果知君今未足臨潭脚戰怕長梯

石鼻城

千山欲盡垂為鼻百戰皆空但有城虎闖穴中秦地  
恐龍飛滑上漢江傾雍人未有章邯怨魏將猶存仲  
達精睥睨陵遲春草滿白羊無數向風鳴

碻溪石

呂公年已莫擇主渭河邊跪餌番雙膝臨溪不計年  
神專能陷石心大豈營鱸不到碻溪上安知自守堅

郿塢

董公平昔甚縱橫晚歲藏金欲避兵當日英雄智相  
似燕南趙北亦為京

樓觀

老聃厭世入流沙飄蕩如雲不可遮弟子憐師將去  
國關門望氣載袁家尚臺尚有傳經處畫壁空留駕  
擯車一投題書無復老不知何苦服胡麻

傳西尹  
之言服  
實勝於  
沙

次韻子瞻秋雪見寄二首

秋氣蕭騷仍見雪客愁繞繚動縈心幽吟北戶窻聲  
細歸夢函關馬迹深疎樹飛花輕菽菽衰荷留柄亂



簪簪遙聞詩酒皆推勝社客何人近納隸  
平時出處常聯袂文翰叨陪舊服膺自信老兄憐弱  
弟豈關天下少良朋何時杯酒看浮白清夜看蔬粗  
滿登離思隔年詩不盡秦梁雖遠速須磨

次韻子瞻聞不赴商幕三首

惟我辭官免入商才踈深畏忝周行學從社稷非源  
本近讀詩書識長短東舍久居如舊宅春蔬新種似  
吾鄉閉門已學龜頭縮避謗仍兼雉尾藏雉藏不能  
尾鄉人  
南童西曾虛署長吏居民惟不來妄語自知當當見

諺以為

棄遠人未信本非才厭從貧李朝東閣懶學諛張緩  
兩腮知有四翁遺跡在山中豈信少人哉  
塤動箎鳴只自知憂輕責少幸官卑聲名謾作耳中  
瑱科第亦心領底髭西鄙猖狂猶將將中朝閑暇自  
師師近成新論無人語仰羨飛鴻兩翅差

次韻子瞻病中大雪

吾兄筆鋒雄詩俊不可和雪中思清絕詭惡愈難奈  
殷勤賦黃竹自勸飲白墜言隨飛花落意與長風鏜  
餘力遠見撩千里寄堆瑳嗟予學久廢有類轉空磨  
研磨又無得安可待空貨記乘峽船行意被摧剝

滇濠覈洲渚冷冽光照坐  
或唱君實酬馳騁不遑卧  
譬如逐獸盧豈覺山徑  
河酒肴助喧熱筆硯盡露  
澆詩詞禁推類令肅安敢  
破亦有同行人牽挽赴程  
課爾來隔秦魏渴望等飢  
餓徒然遇佳雪有酒誰與  
賀

次韻子瞻記歲莫鄉俗三首

餽歲

周公制鄉禮無有相通  
佐鼎肉送子思烝豚出陽  
貨交親隨高低豈問小與  
大自從此禮衰伏臘有飢  
卧鄉人慕古俗酬酢等四  
坐東鄰遺西舍迭出如蟻  
磨寧我不飲食無爾相咎  
過相從慶新春顏色買愉  
和

別歲

富貴日月速貧賤覺歲遲  
遲速不須問俱作不可追  
親舊且酣飯送爾天北涯  
歲歲雖無情從我歷四時  
酌爾一杯酒晉我壯且肥  
長作今歲歡勿起異日悲  
掉頭不肯顧會莫與我辭  
酒闌氣方橫豈信從爾衰

守歲

於菟絕繩去顧兎追龍蛇  
是歲壬寅奔走十二蟲羅網不  
及遮嗟我地上人豈復柰  
爾何未去不自閑將去乃  
誼譁天上驅獸官為君肯  
停過魯陽揮長戈日車果  
再斜醜酒勸爾醉期爾蹙  
蹉跎偕醉遣爾去壽考自

足誇

記歲首鄉俗寄子瞻二首

踏青

江上冰消岸草青  
三三五五踏青行  
浮橋波水不勝  
重野店壓糟無復清  
松下寒花初破萼  
谷中幽鳥漸  
嚶鳴  
洞門泉脉龍睛動  
觀裏卅池鴨舌生  
山下鉗罍  
霑稚孺  
峯頭鼓樂聚  
簪纓縞裙紅  
袂臨江影青  
蓋驪  
騶踏石聲曉去  
爭先心蕩漾  
莫歸誇後醉  
從橫最憐  
人散西軒靜  
曖曖斜陽著樹明

蚕市

枯桑舒牙葉漸青  
新蚕可浴日晴明  
前年器用隨手  
敗今冬衣着及春營  
傾困計口賣餘粟  
冥箔還家待  
種生不唯箱篋供  
婦女亦有鉏鑄資  
男耕空巷無人  
闐容冶六親相見爭  
邀迎酒肴勸屬坊  
市滿鼓笛繁  
亂倡優  
俾蚕叢在時已如此  
古人雖沒誰敢更異方  
不見古風俗  
但向陌上聞吹笙

子瞻寄示岐陽十五碑

堂上岐陽碑  
吾兄所與我  
吾兄自善書  
所取無不可  
歐陽弱而立  
商隱瘦且臃  
小篆妙詰曲  
波字美婀娜  
譚藩居顏前  
河類學顏頗  
魏華自磨泮  
峻秀不包裹

樂城集卷第一  
九成刻賢俊磊落雜么麼英公與襄鄂戈戟聞自荷  
何年學操筆終歲惟箭筈書成亦可愛莖業嗟徇夥  
余雖繆學文書字每慵墮車則駕騏驥車後繫羸跛  
逾年學舉足漸亦行駸駸古人有遺迹筮短不及鎖  
願從兄發之洗硯處兄左

樂城集卷第一

樂城集卷第二

詩六十九首

畫文殊普賢

誰人畫此二菩薩跌坐花心乘象後弟子先後執盃  
缶老僧槎牙森比肩山林脩道幾世劫顏貌偉麗如  
開蓮重崖宛轉帶林樹野水汎蕩浮雲天峨眉高處  
不可上下有絕澗迴九泉朝陽未出白霧起有光升  
天如月圓靈仙号中粗可識有類白兔依清蹊遊人  
禮拜千萬萬迤邐斷遠如飛煙五臺不到想亦爾今  
之畫圖誰所傳吾兄子瞻苦好異敗繒破紙収明鮮

自從西行止得此試與記錄代一觀

聞子瞻重遊南山

終南重到已春回山木綠崖綠似苔谷鳥鳴呼嘲獨  
往野人笑語記曾來定邀道士彈鳴鹿誰與溪堂共  
酒杯應有新詩還寄我與君和取當遊陪

彈鳴鹿飲溪堂皆前

游次南時事

子瞻見許驪山澄泥硯

長安新硯石同堅不待書來遂許頒豈必魏人勝近  
世強推銅雀沒驪山寒煤舒卷開雲葉清露露流發  
涕潛早與封題寄書案報君湘竹筆身斑

寒食前一日寄子瞻

寒食明朝一百五誰家冉冉尚厨煙桃花開盡葉初  
綠燕子飛來體自便愛客漸能陪痛飲讀書無思懶  
開編秦川雪盡南山出思共肩輿看麥田

大人久廢彈琴比借人雷琴以記舊曲十得  
三四率爾拜呈

久厭凡桐不復彈偶然尋繹尚能存倉庚鳴樹思前  
歲春水生波滿舊痕泉落空巖虛谷應珮敲清殿百  
官寒終宵竊聽不能學庭樹無風月滿軒

聞子瞻習射

東坡集 卷二  
舊讀兵書氣已振近傳能射喜征鼗手隨樂節寧論  
中箭作鴟聲不害文力薄僅能勝五斗才高應自敵  
三軍良家六郡傳真法馬上今誰最出羣

種菜

久種春蔬旱不生園中汲水亂瓶罍菘葵經火未出  
土僮僕何朝飽食羨強有人功趨節令悵無甘雨困  
耘耕家居閑暇厭長日欲看年華上菜莖

次韻子瞻題薛周逸老亭

飛鳥不知穴山鹿不知流薛子善飲酒口如吸水虬  
吾觀腸胃間何異族黨州人滿地已盡一介不可留

謂子試飲水一酌不再求謂子飲醇酒百酌豈待酬  
酒可水不可其說亦已悠以我視夫子胷腹百丈幽  
譬如田中人視彼公與侯未省破顏飲何況裸露頭  
鴟夷謂大瓠皆飽安用浮多少苟自適豈害爲明遊

次韻子瞻題長安王氏中隱堂五首

秦中勝三蜀故國不須歸甲第春風滿巴山畫夢非  
竹深啼鳥亂花落晚蜂飛我欲西還去敲門慎勿違  
唐朝卿相宅此外更應無請看庭前樹曾攀屋裏姝  
流傳漸失實遺老不禁徂試問歸登物林間翠石孤

或云此即  
煇登宅

愛君高堂上有似蜀江墻墻外終南近簷西太白偏  
晚梅晴自媚老竹暗相遷未到遙聞說吾廬安得然  
官去空留鶴山浮不見鼇竹林迎日淨槐木擁亭高  
鳥噪知人至蟬鳴覺口勞誰能飲堂上解帶不穿袍  
君看原上墓墳盡但餘碑誰見生前貴塵生帶下龜  
高堂幸有酒一飲豈論貧勉強行樂耳古人良可悲

和子瞻鳳翔八觀八首

石鼓

岐山之陽石爲鼓叩之不鳴懸無虞以爲無用百無  
直以爲有用萬物祖置身無用有用間自託周宣誰

敢侮宣王沒後墳壠平秦野蒼茫不知處周人舊物  
惟存山文武遺民盡囚虜鼎鍾無在鑄戈戟宮殿已  
倒生禾黍厲宣子孫竄四方昭穆錯亂不存譜時有  
過客悲先王綢繆牖戶徹祭土思宣不見幸鼓存由  
鼓求宣近爲愈彼皆有用世所好天地能生不能主  
君看項籍猛如狼身死未冷割爲脯馬童楊喜豈不  
仁待汝封侯非怨汝何況外物固已輕毛擒翡翠尾  
執塵惟有蒼石於此時獨以無用不見數形骸偃蹇  
任苔蘚文字皴剝困風雨遭亂旣以無用全有用還  
爲太平取古人不見見遺物如見方召與申甫文非

科斗可窮詰簡編不載無訓詰字形漫汗隨石缺蒼  
虵生角龍折股亦如老人遭暴橫願下髭禿口齒齧  
形雖不具意可知有云楊柳貫魴魴魴豈厭居溪  
谷自投網罟入君俎柳條柔弱長百尺挽之不斷細  
如縷以柳貫魚魚不傷貫不傷魚魚樂死登之廟中  
鬼神格錫女豐年多黍徐宣王用兵征四國北摧犬  
戎南服楚將帥用命士卒驩死生不願闕虓虎問之  
何術能使然撫之如子敬如父弱柳貫魚魚弗違仁  
人在上民不怨請看石鼓非徒然長笑太山刻秦語

咀楚文

詛楚楚如桀詛秦秦則紂桀罪使信然紂語安足受  
性肥酒醪絜夸誕鬼不祐鬼非東諸侯豈信辯士口  
碑埋祈年下意繞章華走得楚不付孫但爲劉季取  
吾聞秦穆公與晉實甥舅盟鄭絕晉歡結楚將自救  
事見呂使秦詛楚人晉亦議秦後諸侯迭相詛禍福  
果誰有世人不知道好古無可否何當投涇流渾濁  
蓋鄙醜

王維吳道子畫

在普門及開元寺

吾觀天地間萬事同一理扁也工斲輪乃知讀文字  
我非畫中師偶亦識畫旨勇怯不必同要以各善耳



壯馬脫銜放平陸步驟風雨百夫靡美人婉婉守閑  
獨不出庭戶修容止女能嫣然笑傾國馬能一蹶致  
千里優柔自好勇自強各自勝絕無彼此誰言王摩  
詰乃過吳道子試謂道子來置女所挾從軟美道子  
掉頭不肯應 傑我已足自恃雄奔不失馳精妙實  
無比老僧寂滅生慮微侍女閑絜非復婢丁寧勿相  
違幸使二子齒二子遺迹今豈多岐陽可貴能獨備  
但使古壁常堅完塵土雖積光豔長不毀

楊惠之塑維摩像

在天柱寺

金粟如來瘦如腊坐上文殊秋月圓法門論極兩相

可言語不復相傳至人養心遺四體瘦不爲病肥  
非妍誰人好道塑遺像鮐皮束骨筋扶咽兀然隱几  
心已滅形如病鶴竦兩肩骨節支離體踈緩兩目視  
物猶惘然長嗟靈運不知道強剪美須掉兩顴彼人  
視身若枯木割去右臂非所患何況塑畫已身外豈  
必奪爾庸自全真人遺意世莫識時有遊僧施鉢錢

東湖

不到東湖上但聞東湖吟詩詞已清絕佳境亦可尋  
蜿蜒蒼石蝸蟠挈據湖心倒腹吐流水奔注爲重深  
清風蕩微波渺渺平無音有鼉行在沙有魚躍在潯

鼈圓如新荷魚細如蠶蟬梧桐生兩涯蕭蕭自成林  
 孫枝復生孫已中瑟與琴秋虫噪蜩蛰春鳥鳴馭  
 有客來無時濯足蔭清陰自忘府中官取酒石上斟  
 醉倒卧石上野蟲上其襟醒來不知莫湖月翻黃金  
 油然上馬去縱牽不自箴作詩招路人行樂宜及今  
 人生不滿百一瞬何所任路人掉頭笑去馬何駸駸  
 子有不肖弟有寇未嘗眷願身化為綠使子為之鍼  
 子欲烹鯉魚為子漑金鬻子欲枕山石為子求布衾  
 異鄉雖云樂不如反故岑瘦田可繫耕桑柘可織紵  
 東有車轅泉隱隱如牛涔西有官輅宅尚存青石礎

彭女留膝踝禮拜意已欽慈母抱衆子亂石寒蕭森  
 朝往莫可還此豈不足臨慎勿語他人此意子獨謀

真興寺閣

秦川不為廣南山不為高巖峨真興閣傑立陵風颯  
 危檻俯翔鳥跳簷落飛猱上有傲世人身衣白鶴毛  
 下視市井喧奔走何嗷嗷蕭然倚楹嘯遺響入雲霄  
 清風吹其裾冉冉不可操不知何所為豈即非盧敖  
 遊目萬里間遠山如伏羔遺語謝世俗釣魚當釣鱸

李氏園

李茂正園也俗謂皇后園蓋茂正謂其妻也

有客騎白駒揚鞭入青草悠悠無遠近但擇林亭好

蕭條北城下園號李家媪繫馬古車門隨意無洒掃  
鳴禽驚上屋飛蝶紛入抱竹林淨如濯流水清可漑  
一閑花不著行香梨獨依島松枝貫今昔林影變昏早  
草木皆蒼顏亭宇已新造臨風置酒樽庭下取栗棗  
今人強歡笑古人已枯槁欲求百年事不見白鬚老  
秦中古云樂文武在豐鎬置囿通樵蘇養獸讓麀麋  
池魚躍金碧白鳥飛紵縞牛羊感仁恕行葦亦自保  
當年歌靈臺後世詠魚藻古詩宛猶在遺處不可考  
悲哉李氏末王霸出奴皂城中開芳園城外羅戰堡  
擊鼓鳴巨鐘百姓皆懊惱及夫聖人出戰國卷秋潦

園田賦貧民耕破園前道高原種菽粟陂澤滿梗稻  
春耕雜壺漿秋賦輸秸藁當年王家孫自庇無尺椽  
空餘百歲木妄為天巫禱遊人足譏罵百世遭舌討  
老翁不願見垂涕祝襁褓持用戒滿盈飲酒無醉到

秦穆公墓

在秦泉上

泉上秦伯墳下埋三良士三良百夫特豈為無益死  
當年不幸見迫脅詩人尚記臨穴惴豈如田橫海中  
客中原皆漢無報所秦國吞西周康公穆公子盡力  
事康公穆公不為負豈必殺身從之遊夫子乃以侯  
嬴所為疑三子王澤既未竭君子不為詭三良徇秦

穰要自不得已

聞子瞻將如終南太平宮谿堂讀書

爲吏豈厭事厭事日墮媮著書雖不急實與百世謀  
問吏所事何過客及繫囚客實虛攪人囚有不自由  
辦之何益增不辦亦足憂嗟此誰不能脫去使自收  
幽幽南山麓下有溪水流溪上亦有堂其水可濯漱  
終日不見人惟有山鹿吻是特夏之初溪冷如孟秋  
山榘黃笠篔簹林筍紫角抽朝取筍爲羹莫以榘爲羞  
溪魚鯉與魴山鳥鷲與鳩食之飽且平偃仰自佚休  
試探篔中書把卷揖前脩况如反故鄉親朋自相求

蔚如甕中糟久熟待一芻爲文若江河豈復有刻鏤  
尚何憶我爲欲與我同遊我雖不能往寄詩以解愁

次韻子瞻麻田青峯寺下院翠麓亭

走馬紅塵合開懷野寺存南山抱村轉渭水帶沙渾  
亭峻朱欄繞堂虛白佛尊煩襟喜脩竹勑馬樂芳蓀  
白氎柔隨手清泉滿照盆塵顏洗濯淨髀肉再三捫  
饋食青蔬軟沅匙細粟翻老僧勿施敬對客說山門

次韻子瞻宿南山蟠龍寺

谷中夜行不見月上下不辨山與谷前呼後應行相  
從山頭誰家有遺燭楚楚深徑馬蹄響落落稀星著

疎木行投野寺僧已眠叩門無人狗出縮號呼從者  
又嗔罵老僧下牀揉兩目問知官吏冒夜來掃牀延  
客卧華屋公中無羨醜實盡愧客滿盎惟脫粟客來  
已遠睡忘覺僧起開堂勸晨粥自嗟奔走閑僧閑偶  
然來過何年復留詩滿壁待重遊但恐壓埃難再讀

賦園中所有十首

時在京師

### 萱草

萱草朝始開呀然黃鵠背仰吸日出光口中爛如綺  
纖纖吐須鬣冉冉隨風哆朝陽未上軒粲粲幽閑女  
美女生山谷不解歌與舞君看野草花可以解憂悴

### 竹

寒地竹不生雖生常若病斲根種幽砌開葉何已猛  
嬋娟冰雪姿散亂風日影繁華見孤淡一箇敵千頃  
令人憶江上森聳綠崖勁無風籜自飄策策鳴荒逕

### 蘆

蘆生井欄上蕭騷大如竹移來種堂下何爾短局促  
莖青甲未解枯葉已可束蘆根愛溪水餘闊長鮮綠  
強移性不遂灌水惱僮僕晡日下西山汲者汗盈掬

### 石榴

堂後病石榴及時亦開花身病花不齊火候漸已差

芳心竟未已新萼綴枯槎誰言石榴病乃久占年華  
鄰家花最盛早發豈容遮殘紅已零落婀娜子如瓜

蒲桃

蒲桃不禁冬屈盤似無氣春來乘盛陽覆架青綾被  
龍髯亂無數馬乳垂至地初如早梅酸晚作醲酪味  
誰能釀爲酒爲爾架前醉滿斗不與人涼州幾時致

簞草

室幽來客稀塵土積不掃鄰翁笑我拙教我種藜草  
經霜研爲簞不讓秋竹好始生如一毛張王忽侵道  
鉏耰禁芟斲愛惜待枯槁有用皆勿輕吾師灌園老

果羸

吾兄客閔中果羸施吾宇兄雖未得還我豈如婦女  
啣啣感微物涕泗若零雨但愛果羸甚屈曲上墻堵  
朝見綠墻頭莫已過墻去物生隨年華還日何足數

牽牛

牽牛非佳花走蔓入荒榛開花荒榛上不見細蔓身  
誰剪薄素紗浸文青藍盆水淺浸不盡下餘一寸銀  
男爾脆弱草豈能凌霜晨物性有稟受安問秋與春

雙栢

南園地性惡雙栢不得長蓬麻春始生今已滿一丈

栢生嗟幾年失意自淒愴有子壓枝低已老非少壯  
尤栢栢也寃尤地亦恐妄兩旣無所尤高枝幾時放

葵花

葵花開已闌結子壓枝重長條困風雨倒卧枕丘壠  
憶初始放花岌岌旌節聳得時能幾時狼籍成荒冗  
浮根不任雪採剥收遺種未忍焚枯莖積壘墻角擁

和子瞻託夢二首

兄從南山來夢我南山下探懷出詩卷卷卷盈君把  
詩詞古人似弟則吾弟也相與千里隔安得千里馬  
携于上南山不知今乃夜晨雞隔墻唱歌枕窻月亞

百語記一詞秋菊悲蛩吒此語鮑謝流平日我不暇  
我本無此詩嗟此誰所借

蟋蟀感秋氣夜吟抱菊根霜降菊叢折守根安可存  
耿耿荒苗下唧唧空自論不敢學蝴蝶菊盡兩翅翻  
虫凍不絕口菊死不絕芬志士豈棄友烈女無兩婚

次韻子瞻題岐山周公廟

周人尚記有周公禾黍離離下有宮破豆烝豚非以

報野巫長跪若爲通山園棟宇泉流近

廟后有惠瀾泉在亂則竭

鳳去梧桐落葉濛有客賦詩題屋壁二南猶自有遺

風

續坡集 卷三  
次韻子瞻題扶風道中天花寺小亭

客車來不息轍迹自成溝莫怪慵登寺猶宜常舉頭  
獨遊知憶弟望遠勝登樓處處題詩遍篇篇誰爲收  
次韻子瞻南溪避世堂

拄杖行窮徑圍堂尚有林飛禽不驚處萬竹正當心  
虎嘯風吹籟霜多蟬病瘖獸驕從不避人到記由今  
未暇終身住聊爲半日吟青松可絕食黃葉不須衾  
偶到初迷路將還始覺深堂中有幽士插髻尚餘簪

和子瞻三遊南山九首

樓觀次韻

神仙避世守關門一世沉埋百世尊舊宅居人無姓  
尹深山道士即爲孫天寒遊客常逢雪日暮歸鴉自  
識村君欲留身託幽寂直將山外比羌渾

五郡次韻

蜀人不信秦川好食蔗從梢未及甘當道沙塵類河  
北依山水竹似江南觀形隨阜飲溪鹿雲氣侵山食  
葉蚕猶有道人迎客笑白鬚黃袖豈非聃

傳經臺

輪扁不能令子巧老聃雖智若爲傳遺經尚在臺如  
故弟子今無似喜賢



大秦寺

大秦遙可說高處見秦川草木埋深谷牛羊散晚田  
山平堪種麥僧魯不求禪北望長安市高城遠似煙  
仙遊潭五首

潭

潭深不可涉潭小不通船路斷遊人止龍藏白沫旋  
剪藤量水短挿石置橋堅橋外君民少躬耕不用錢

南寺

澄潭下無底將渡又安能慣上橫空木輕生此寺僧  
曉魚開考考石塔見層層不到殊非惡它年記未曾

北寺

君看潭北寺何用減潭南不到還能止重來獨未厭  
荒涼增客思貧病覺僧慙飲水寒難忍誰言栢子甘

馬蟬石室

扶風貴公子早歲伴山家吹笛墮秋葉讀書隨曉鴉  
業成心自叛學若我長嗟石室非人住窮山雪似沙

玉女洞

洞門蒼蘚合偏仄不容身傳有虛明處中藏窈窕人  
吹笙橋上月宿翠洞南春徃徃來山下蕭然雨洒塵

和子瞻調水符

多防出多欲欲少防自簡君看山中人老死竟誰謾  
渴飲吾井泉飢食甌中飴何用費卒徒取水負瓢罐  
置符未免欺反覆慮多變受苦無憂符階下泉可嚙

次韻子瞻招隱亭

隱居吾未暇何暇勸夫人試飲此亭酒自慙纓上塵  
林深開翠帟岸斷峻巖圍送雪村醅醖迎陽鳥哢新  
竹風吹斷籟湖月轉車輪霜葉飛投坐山梅重壓巾  
欲居常有符已失歎無因古語君看取聲名本實賓

次韻子瞻凌虛臺

棄我謂我遠求我謂我還我一爾則二視此臺上山

山高上千天獨不照我顏無乃我自蔽誰謂山則慳  
遠望不見趾近視不得鬢山實未始變任子自擇刪  
北風吹南崖山上秋葉斑道遠又寒苦皴裂辭難攀  
晴空卷朝雲照夜霜月彎迤爾登此臺免爾超闌闌

扶風太守字雋不見南山唯此臺上見之故云

次韻子瞻瞻竹飈

野食不穿困谿飲不盜盜嗟飈獨何罪膏血自爲罔  
陰陽造百物偏此患不爽肥癡與瘦黠稟受不相髣  
王孫處深谷小若兒在襁超騰避彈射將中還復往  
一朝受羈縲冠帶相賓饗愚死智亦擒臨食抵吾掌

次韻子瞻漢陂魚

漢陂霜落魚可掩枯茨破盤蒲折劔巨斧敲冰已暗  
 知長義刺浪那容閃鯨孫蛟子誰復惜朱鬣金鱗漫  
 如染邂逅相遭已失津偶然一掉猶思斬嗟君遊宦  
 久羊炙有似遠行安野店得魚未熟口流涎豈有哀  
 矜自欺僭人生飽足百事已美味那令一朝欠少年  
 勿笑貪七筋老病行看費鍼砭羊生懸骨空自飢伯  
 夷食菜有不贍清名驚世不益身何異飲醯徒醅醢

和子瞻讀道藏

道書世多有吾讀老與莊老莊已云多何況其駢傍

所讀嗟甚少所得半已強有言至無言既得旋自忘  
 譬如飲醇酒已醉安用漿昔者惠子死莊子哭自傷  
 微言不復知言之使誰聽哭已輒復笑不如歛此藏  
 脂牛雜肥并烹熟有不嘗安得西飛鴻送弟以與兄

次韻子瞻南溪微雪

南溪夜雪曉來霽有客晨遊酒未消風泛餘花來逐  
 馬光浮斷澗不知橋山寒凍合行人息醉熟賓歡舞  
 意囂歸騎相將踏瑤玉嗅林間認早梅條

和子瞻司竹監燒葦園因獵園下

駿馬七尺行馮馮曉出射獸霜為冰狹園斫盡有枯

枿束茅吹火初如燈乍分乍合勢開展蒼煙被野風  
騰騰黃狐驚顧嘯儔侶飛鳥先起如蒼蠅須臾立旆  
布行伍有似脩蟒橫岡陵蒼蠅猛犬出前後缺處已  
掛黃麻罽回風忽作火力怒平地一卷無疆勝商辛  
不出抱寶死曹瞞逸去焦其肱投身誤喜脫灰燼闖  
首旋已遭侵凌何人上馬氣吞虎狼帽壓耳皮蒙膺  
開弓徐射疊雙兔擁馬驪叫驚未曾舉鞭一麾百夫  
進擊鼓再發箭啓棚去如飛蚤中如電獲若兩獸膏  
流蠅肉分麾下飽壯士皮與公子留縑繒縱橫分裂  
惠村塢尚有磊落載後乘吾兄善射又無敵是日欽

手稱不能憑鞍縱馬聊自適酒後醉語誰能磨健兒  
擊搏信可樂主將雄猛今誰勝胷中森列萬貔虎嗟  
世但以文儒稱安得強弓傳長箭使射蔽日垂天鵬

木山引水二首

引水穿墻接竹梢谷藏峯底大容瓢將流旋滴廬山  
瀑已盡還來海上潮亂點落池驚睡覺半含山潤沃  
心焦瓦盆一斛何勝滿溢去猶能浸菊苗  
簷下枯槎拂荻梢山州迤邐費公瓢幽泉細細流巖  
鼻盆水瀾瀾漲海潮但愛堅如湖上石誰憐収自竈  
中焦蒼崖寒溜須佳蔭尚少青冬石罨苗

興州新開古東池

山遶興州萬壘青池開近郭百泉并昔年種柳人安  
在累歲開花藕自生波暖跳魚聞樂喜人來野鴨望  
船鳴西還過此須終日爲問使君行未行

子瞻喜雨亭北隋仁壽宮中怪石

仁壽宮中穠穀生太湖蒼石草間橫興衰換世身猶  
在南北從人事已輕累石作臺秋蘚上鑿汧通水細  
渠清三年此亦非公有空使他年記姓名

用林妣韻賦雪

密雪來何晚窮冬候欲差投空落細米布地淨平沙

繚繞飛相着重仍積暗加雨微花破碎風細脚傾斜  
次第來如摻冥濛墮不譁燐鵝吹勁韜秀葦拂輕枷  
畫字飄遠沒團毬暖旋衣出鹽東海若鍊石古皇媯  
翻籜騰歸騎紛飄集晚鴉庭梅辨紅萼壠麥覆黃芽  
撥砌求新藥尋蹤射伏麋埋屨平盡脊集樹短甬槎  
亂下曾何擇平鋪欲盡遮欺貧寒入褐惱客重添車  
積素聊成燭烹甘強試茶病僧添曉鉢老令放晨衙  
融液曾何有鮮明竟不奢積多還避井化早發從畚  
溜滴簷垂著行觀逕轉虵誰能相就醉都市酒容賒

送張唐英監閬州稅

續坡集 卷二 七  
閩中雖近蜀監稅本閑官豈足淹賢俊聊應長羽翰  
讀書心健否答策意何闌未可厭畋獵田中有走貊

送張師道楊壽棋二同年

故國多賢俊登科並弟兄重來舊游處兩見近題名  
冉冉須堪把鬢鬢歲可驚孤轅已南向馬死復西征  
入峽猿應苦還荆馬已鳴喜從元帥幕官職漸崢嶸

送家定國同年赴永康掾

清慎岷山掾登科已七年迎親就魚稻爲吏擇林泉  
去騎關中熱歸心沫水鮮官閑幸可樂記買鷓鴣煎

永康多鷓鴣

送霸州司理崔曼

大梁能賦安邊郡繫囚曹官職不相稱聲名終自高  
試觀爲吏苦應過讀書勞努力事初宦尺絲無厭繅

送道士楊見素南遊

黃河春漲入隋溝徃意隨波日夜流萬里尋山如野  
鶴一身浮水似輕鷗湖風送客那論驛岳寺留人暗  
度秋遲子北歸來見我携琴委曲記深幽

利路提刑亡伯郎中挽詞二首

好學先鄉黨登科復妙年誰爲耆舊傳文處縉紳先  
淪謝今亡矣風流孰繼焉竟歸食里社世世仰仁賢

晚歲官仍困終身耻自言廉明漢循吏仁愛鄭公孫  
赤縣朝稱理衡山德共尊遠人應罷市處處有遺恩  
亡伯母同安縣君楊氏挽詞

德盛諸楊族賢宜伯父家周姜職蘋藻歎母事蚕麻  
大邑移封近陰堂去日賒空餘鏡奩在時出舊笄珈

樂城集卷第二



書  
中  
書

書  
中  
書

書  
中  
書



